




Kalaallit Nunaata kitaani avataasiorluni saarullinniarnermi pisassiissutit (TAC) amerleriartinneqarnissaa pillugu tusarniut

Brevdato:
Sags nr.: 2024 - 15313
Akt nr.: 25746383

Postboks 269
3900 Nuuk
Tlf. (+299) 34 50 00
Fax (+299) 34 63 55
E-mail: apn@nanoq.gl
www.naalakkersuisut.gl

Ullormi 11/9 Aalisarneq pillugu siunnersuisooqatigiit ataatsimiipput, tassani Aalisarneq pillugu siunnersuisooqatigiit isumaqatigiillutik aalajangerpaat, Naalakkersuisunut Kalaallit Nunaata kitaani avataasiorluni saarullinniarnermi pisassiissutit amerleriartinneqarnissaannik inassuteqaateqarlutik. 2025-mi Kalaallit Nunaata kitaani avataasiorluni saarullinniarnermi pisassiissutit 6.500 tonsinut amerlassuseqarput, Kalaallit Nunaata kitaani avataani saarullit suffisartut peqassusiisa amerlassusilernissaanut siunnersuineq 3.238 tonsinut amerlassusilerneqarsimalluni. Aalisarneq Pillugu Siunnersuisooqatigiit 2025-mi pisassiissutit amerlilernissaanut pissutsit sisamat erseqqissaatigivaat 1) ICES-imit siunnersuineq peqassutsimik amerliartuuteqartumik tikkuaammat, 2) Kalaallit Nunaanni amerleriaataasussanik atorluannikkut aalisarsinnaassuseq naammattoq pigineqarmat, 3) pisassiissutinik amerleriaateqartitsineq avammut tunisaqarnikkut isertitanik amerleriartitsissammat aamma Nunatta Karsianut pitsaasumik sunniuteqassalluni, 4) Aalisarnermi amerlanerusunik sulisoqarnikkut pisat amerleriaateqartinneqarneratigut pissammat. Pissutsit sisamaasut ataani itisilerneqassapput.

1) ICES-imit siunnersuineq peqassutsimik amerliartuuteqartumik tikkuaammat. 2024-mi siullermeersumik avataani saarullit suffisartut peqassusiisa amerlassusilernissaanut siunnersuineq saqqummiunneqarpoq. Peqassusermut siunnersuineq ukiut qulit sinnerlugit peqassutsip illersorneqarnissaa siunertaralugu siunnersuisarneq pisimavoq. 2024-imi siunnersuineq 2.398 tonsiuvoq, 2025-mi siunnersuineq 3.238 tonsiuvoq aamma 2026-imut siunnersuineq 4.708 tonsiulluni. Ukiut kingulliit pingasut ingerlanerini siunnersuineq 2.310 tonsinik amerleriarnerrulluni. ICES-imi allaaserineqarpoq, piujuaannartitsilluni aalisarnernup ingerlanneqarnissaata aalisarnernup sinniilluni aalisarfiuneranik takussutissiisoq (figur 1-imi titarneq tungujortoq saamerlerpaaq). Naak piffissami 2020-2022-llu akorngini peqassutsimut toqqaannartumik aalisartoqarsimanngikkaluartoq, aalisarneq piujuaannartitsilluni aalisarnissap sinnerneqarneranik ersertitsivoq, avataani saarullit suffisut aammattaaq kitaani sinerissap qanitaani saarullinnik aalisarnermi pisarineqartarmata. ICES-ip uparuarpaa, saarullit suffisut amerlassusaat (SSB) qaffasinnerusoq peqassutsip peqqussusaanut navianartumik killissarititanut sanilliullugu $MSY B_{trigger}$ (figur 1-imi titarneq tungujortoq figurit sanileriisitat qeqqaniittoq), B_{pa} aamma B_{lim} (figur 1-imi titarnerit kittorartaartut figurit sanileriisitat qeqqaniittoq). ICES-ip allaaserivaa, siunnersuineq qaffariartoq, aalisarnermi pisaasartussani ukiuni tulliuttuni suffisat amerleriaataalluarnernik malitseqartumik takkuttoqassammat (figur 1-imi figuri talerperleq), tamatuma kingunerisinnaallugu saarullinnik suffisunik amerlanerusunik peqarnerulerneranik (SSB).



Figur 1: Aalisarnerup amerlassusii (saamerleq), suffisussat amerlassusii (qiterleq), suffisunit pissarsiat (talerperleq) aamma naleqqiussinerit attuumassuteqartut.

2) Kalaallit Nunaanni amerleriaataasussanik atorluannikkut aalisarsinnaassuseq naammattoq pigineqarmat

2024-ip naangajalernerani Kalaallit Nunaata kitaani avataasiorluni aalisarnermi ingerlatsilersussamut nutaamut Naalakkersuisut aalajangiuppaat, qalerallit 4.600 tonsit, saarulliit 1.950 tonsit aamma nataarnat 166,6 tonsit immikkoortinneqassasut. Tamatuma kingunerivaa, 2025-imut ullumikkut avataasiorluni ingerlatsisuusut pisassiissutaasa ikileriaateqarnerannik, taamaasillunilu aalisarsinnaassutsimik naammattumik pigisaqartoqarluni.

3) Pisassiissutinik amerleriaateqartitsineq avammut tunisaqarnikkut isertitanik amerleriartitsissammat aamma Nunatta Karsianut pitsaasumik sunniuteqassalluni

Pisassiissutit amerleriartinneqarnerat soorunalimi avammut niuerutigisanit isertitaqarnerulernermik kinguneqassaaq aamma Nunatta Karsianut akileraarutinit aamma pisuussutinit atuisinnaanermut akitsuutinit pitsaasumik isertitaqarnikkut sunniuteqassalluni.

4) Aalisarnermi amerlanerusunik sulisoqarnikkut pisat amerleriaateqartinneqarneratigut pissammat.

Pisassiissutit amerleriartinneqarneratigut aalisarnerup sivitsorneqarnissaanut sunniuteqarlussaaq aamma avataasiorluni aalisariutaateqartunut ingerlatsinermut sunniuteqarluni. Tamaattoq Kalaallit Nunaata kitaani saarullinnik angisuunik pisaqarluartarlutik avataasiorluni ingerlataqartut nalunaarutigivaat aamma CPUE-imik qaffasissumik angusaqarfiusumik (sulinerni ataasiakkaani pisat amerlassusaat) Pisassanik aalajangersaasarneq (TAC) pillugu suliat Inatsisartut aalisarneq pillugu inatsisaani nr. 29, maajip 23-aneersumi 2024-imeersumi § 17 naapertorlugu ingerlanneqassapput. Tak. § 17, imm. 3-imu aalajangersagaq naapertorlugu Naalakkersuisut pisassanik aalajangeriikkanik naleqqussaasinnaapput immikkorluinnaq pisoqartillugu. Taamatut iluarsisoqassatillugu ilisimatuussutsikkut siunnersuinermit aamma Aalisarneq pillugu siunnersuisoqatigiinniit tunngaveqassaaq. Inatsimmut oqaaseqaatini imm. 3-mut tunngatillugu allaqqavoq immikkorluinnaq pisoqarneranut assersuutaasinnaavoq ilisimatuussutsikkut siunnersuinerup allannguuteqartinneqarneranit tunngaveqarsinnaasoq. Pisumut matumunnga Kalaallit Nunaata kitaani avataasiorluni saarullittassat pitsaasumik ineriartorfimmiipput peqassutsip amerliartuuteqarneranik ersiuteqartumik, sanilliullugulu pisisat amerlassusiisa pitsaasumiinnerat, tamatuma ukiuni kingullerni arlaqartuni aalisarfiusimanngereernerata kingorna imaluunniit misileraalluni aalisartoqarsimannginnerani. Tamatuma saniatigut saarullik raajatortuuvoq aamma avataasiorlutik ingerlatsisut nalunaarutigivaat saarulliit aqajaruini raajanik takusaqartarlutik. Taamaammat Kalaallit Nunaata kitaani avataasiorluni saarullinnik aalisarnerup pisassaannik amerleriartitsineq immaqaa raajaqassusermut pitsaasumik sunniuteqarsinnaassasoq, tassani ukiuni kingullerni arlaqalersuni ikiliartuuteqartutut takussutissiisoqartarnera aamma tamatuma kingunerisinnaasaanik landskarsimut pitsaasumik aamma sunniuteqarsinnaasumik.

Aalisarneq pillugu Siunnersoqatigiit inassutigaat:

Kalaallit Nunaata kitaani avataasiorluni saarullinnut pisassat 10.000 tonsinik qaffanneqassasut.

Tusarniaanermut killissaritaq tallimanngorneq septembarip 26-at nalunaaqutaq 16.00. Tusarniarneqarnermi akissuteqaat danskisut kalaallisullu allatat APN@nanoq.gl, cc. embo@nanoq.gl nassiuteqquneqarput.